



# SUPPLEMENTUM

## LITTERARUM APOSTOLICARUM

PRIORIBUS ANNIS EDITARUM,

*Quæ in Tomis I. et II. inserendæ erant.*

NUM. I.

EPISCOPO

Warmiensi et Sambiensi conceditur usus Pallii,  
et jus præferendæ Crucis, more Archiepiscoporum.

BENEDICTUS PAPA XIV.

*Ad perpetuam rei memoriam.*

Procemium.  
**R**OMANA Ecclesia omnium Ecclesiarum Mater et Magistra, a cœlesti Sponso Pastorum Principe JESU CHRISTO, cujus vices planè immerentes Nos in terris gerimus, supremum auctoritatis dignitatisque principatum supra universum Terrarum Orbem sibi uni attributum, ita cum aliarum Ecclesiarum Pastoribus participavit, ut modo uni, modo alteri, pro meritis, ac locorum, temporum, personarumque conditionibus, et auctoritatis, et dignitatis de-

cora, atque officia, opportunè ad Divini honoris gloriam augendam, populorum necessitatibus providendum, et Catholicæ Fidei Majestatem veritatemque constantissimè in omnium animis confirmandam, distribuerit. N. I.

§. 1. Inter tot autem præcipua, quæ Antistitibus interdum conferri solebant, insignia, Pallii deducuntur, et gestandi Pallii, et præferendi Sanctissimæ Crucis Signi honor. Et Pallium quidem, quod ex Lana contextum, Ovis illius, quam Dominus aberrantem quæsit, inventamque humeris suis substulit, pellem significat, ut Episcopus, qui Christi typum gerit, ipsius munere fungatur, atque etiam ipso habitu illud omnibus ostendat, se boni, ac Magni illius Pastoris imitorem esse, qui gregis infirmitates ferendas sibi proposuit, nisi exigentibus causarum meritis, juxta priscam consuetudinem, et fortiter postulantibus, non dabatur. Crucis verò præferendæ mos, a Romanis Pontificibus Prædecessoribus nostris, quibus supremam super omnes Ecclesiasticorum Virorum ordines Jurisdictionem ac potestatem habentibus Crux præferebatur, primum ad eorumdem Legatos, deinde ad alios Antistites deductus est, ut considerantes diligenter, quod in Cruce Domini nostri JESU CHRISTI eos oporteat gloriari, Crucis mortificationem jugiter in suis corporibus debeant pro divini Nominis amore portare. S cri latio, et elevatio, quid importent.

§. 2. Hæc secum recolens Venerabilis Frater Adamus Stanislaus Warmiensi et Sambiensi Episcopus, ac reputans, non leve populis suæ pastoralis curæ commissis, qui undique ab hæreticis circumdantur, futurum incitamentum, si ipsum modernum et pro tempore existentem Warmiæ et Sambie Episcopum, aut in Solemnitatibus, juxta canonicas præscriptiones cum Pallio celebrantem, aut cum Sanctissimæ Crucis Signo ante eundem delato iter agentem Episcopi Oratoris instantia.

N. I. aspicerent, ut et majorem Sacris Mysteriis venerationem deferant, et Episcopali Dignitati majorem exhibeant reverentiam; ea propter Nobis humiliter supplicari fecit, ut in præmissis opportunè providere, et, ut infra, indulgere de benignitate Apostolica dignemur.

Conceditur usus Pallii, et sequi volentes, et a quibusvis suspensionis, et interdicti, aliisque Ecclesiasticis sententiis, censuris, et pœnis, a jure, vel ab homine quavis occasione, vel causa latis. si quibus quomodolibet innodatus existit, ad effectum præsentium tantum consequendum harum serie absolventes, et absolutum fore censentes, supplicationibus ejus, aliorumque de hac Apostolica Sede bene mereri pergentium nomine, Nobis super hoc humiliter porrectis inclinati, et attentis præmissis, ac præsertim quod Warmiensi, et Sambiensis Episcopus Sacri Romani Imperii Princeps sit, et Warmiensi et Sambiensis Ecclesiæ invicem perpetuò Canonicè unitæ Sedi Apostolicæ prædictæ immediatè subjectæ existant; Ipsi Adamo Stanislao moderno, ac pro tempore existenti Episcopo Warmiensi et Sambiensium usum Pallii in Solemnitatibus per Sacros Canones præscriptis celebrandis, et Crucis ante se præferendæ per Warmiensem et Sambensem Civitates et Dioceses dumtaxat, et non alibi omnino, sive in alienis Diocesesibus, sive in Regno, et Sacri Romani Imperii præfati Comitibus, sive in quibuscumque aliis Locis Episcopo præfato non subjectis, nec etiam de Ordinarii loci licentia; nec etiam in Civitatibus, et Diocesisibus Warmiensi et Sambiensium, præsentibus, vel quolibet Dilecto Filio Nostro Sanctæ Romanæ Ecclesiæ Cardinali, vel quolibet Nostro, et ejusdem Sedis ordinario, vel extraordinario Legato, aut Nuncio; sub gratiæ, et concessionis hujusmodi nullitate, aliisque ad nostrum et Sedis præfate arbitrium moderandis, et infli-

gendis pœnis; et dummodo, quoad Pallium, tam dictus Adamus Stanislaus Episcopus, quam quoties ipsum, et Episcopum hujusmodi pro tempore existentem, viam universæ carnis ingredi contigerit, ipse Adamus Stanislaus, et toties novus Episcopus illud ab eadem Apostolica Sede, servatis de jure, vel consuetudine servandis, postulaverit, et de Corpore Sancti Petri Apostolorum Principis sumptum a Romano pro tempore existente Pontifice, juxta præscriptas Sanctiones acceperit, et omnia, quæ cum Archiepiscopis Pallia traduntur, servari solita sunt, omnino serventur, auctoritate Apostolica, tenore præsentium, concedimus, et indulgemus.

§. 4. Decernentes easdem præsentibus litteras semper firmas, validas, et efficaces existere, et fore, suosque plenarios, et integros effectus sortiri, et obtinere, ac illis, ad quos spectat, et pro tempore quocumque spectabit, plenissimè suffragari; sicque in præmissis per quoscumque Judices Ordinarios, et Delegatos, etiam Causarum Palatii Apostolici Auditores, ac Sanctæ Romanæ Ecclesiæ præfate Cardinales, etiam de latere Legatos, et Sedis præfate Nuncios, sublata eis, et eorum cuilibet qualiter aliter judicandi, et interpretandi facultate et auctoritate, judicari, et definiri debere, ac irritum, et inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus, quatenus opus sit, nostris, et Cancellariæ Apostolicæ Regulis, nec non Apostolicis, ac in Universalibus, Provincialibusque et Synodalibus Conciliis editis generalibus, vel specialibus Constitutionibus, et Ordinationibus, aliisque quibusvis, etiam juramento, confirmatione Apostolica, vel quavis firmitate alia roboratis statutis, et consuetudinibus; privilegiis quoque, indultis, et litteris Apostolicis, in contrarium præmissorum quo-

N. I. Pallium singulis vicibus, de more postulari, et recipi debet.

Clausula pro perpetua Indulti firmitate.

N. I. modolibet concessis, confirmatis, et innovatis. Quibus omnibus, et singulis, illorum tenores præsentibus pro plenè, et sufficienter expressis, ac de verbo ad verbum insertis habentes, illis aliàs in suo robore permansuris, ad præmissorum effectum, hac vice dumtaxat specialiter, et expressè derogamus, cæterisque contrariis quibuscumque.

Dat. die Datum Romæ apud Sanctam Mariam Majorem  
21. April. sub Annulo Piscatoris die XXI. Aprilis MDCCXLII.  
1742. Pontificatus Nostri Anno Secundo.

D. Card. Passioneus.



*[Faint, illegible text, likely bleed-through from the reverse side of the page.]*